



28. august 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Anngiortumik aningaasat eqquteriarneqartartut imaluunniit anninniarneqartartut arsaarinnissutigineqartartullu sumut karsimut nakkartinneqartarpat?
2. Naalakkersuisut isumaqatiginerlugu taakkua aningaasat arsaarinnissutigineqartut nunatsinni ikiaroornartumut akiuiniarnermut imaluunniit pinaveersaartitsinermut, ilanngaaserisulluunniit atugaannut pitsanngorsaannut atorneqartalissasut?
3. Suna aporfiua aammalu qanoq aporfiit peerneqarnissaat sulissutigineqarpat?
4. Naalakkersuisut qanoq isumaqarfigivaat politiit "Al Capone metode¹" atorlugu nunatsinni sulisalissagaluarpata?
5. Naalakkersuisut tamanna isumaqatigisimagunikku, tamatuma qallunaat inatsisinut ministerianut piumasaqaatitut apuunnissaa sulissutigissavaat?
6. Naalakkersuisut Sisimiuni, Qaqortumi kiisalu Tunumi ilanngaaserisunik qimminillu pilersitsinissanut aningaasaleeqqittoqarnissaannullu suliniuteqarusuppat?
7. Taakkulu piffiit pingasut immikkut ilanngaaserisoqalernissaat pissappat qanoq naleqarsinnaanissaat Naalakkersuisut ilisimatitsissutigisinnaavaat?
8. Naalakkersuisut allanik paasissutissaasinnaasunik peqarpat?

(Inatsisartunut ilaasortaq Erik Jensen, Siumut)

Tunngavilersuut:

Nunatsinni ikiaroornartumik (hashimik) atuinerit annertuallaarujussuarput aammalu aangajaarniutit sakkortunerit (Kokain, Heroin, LSD, Amfetamin assigisaallu) atorneqartarnerat annertusiartuinnarluni. Tamanna assorujussuaq ilungersunarpoq, innuttaasorpassuit ilaqutariippassuillu inuttut nakkaattarnerat kiisalu inuusussigaluttuinnartut aamma atuisalersimanagerat tusartalerlugu assorujussuaq nunatut qinikkatullu ineriartorneq ernumanartoqartippara timitallimmillu iliuuseqartoqarnissaanik sulissuteqartarnera ilisimaneqaatigalugu.

Aammattaaq ukiuni kingullerni tallimani politiit ukiumoortumik nalunaarutaat naapertorlugit aningaasat 26 mio. ikinnerunngitsut arsaarinnissutigineqarsimasut atuarneqarsinnaalluni.

¹ https://da.wikipedia.org/wiki/Al_Capone-metoden



Taamaattumik taakkua aningaasat nunatsinni ikiaroornartumut (hash) sakkortuunillu akiuiniarnernut suliniuteqarnersut paaserusuppakka.

Apeqqutigineqartut ullut suliffiusut qulit iluanni akeqquneqarput.